

東坡書傳一



東坡書傳一

蘇軾撰

中華書局

東坡書傳

此據學津討原本
影印初編各叢書
僅有此本

欽定四庫全書提要

東坡書傳十三卷宋蘇軾撰軾有東坡易傳已著錄是書宋志作十三卷與今本同萬卷堂書目作二十卷疑其傳寫誤也晁公武讀書志稱熙寧以後專用王氏之說進退多士此書駁異其說爲多今新經尚書義不傳不能盡考其同異但就其書而論則軾究心經世之學明於事勢又長於議論於治亂興亡披抉明暢較他經獨爲擅長其釋禹貢三江定爲南江中江北江本諸鄭康成遠有端

緒惟未嘗詳審經文考覈水道而附益以味別之說遂以啟後人之議至於以義和曠職爲貳於羿而忠於夏則林之奇宗之以康王之誥服冕爲非禮引左傳叔向之言爲證則蔡沈取之朱子語錄亦稱其解呂刑篇以王享國百年耄作一句荒度作刑作一句甚合於理後與蔡沈帖雖有蘇氏失之簡之語然語錄又稱改問諸家書解誰最好莫是東坡曰然又問但若失之太簡曰亦有只須如此解者則又未嘗以簡爲病洛閩諸儒以程子之

故與蘇氏如水火惟於此書有取焉則其辭可知矣

--	--	--

東坡書傳卷一

宋 蘇 軾 撰

後學張海鵬較梓

虞書

堯典第一

昔在帝堯聰明文思

聰者無所不聞明者無所不見文者其法度也思者
其智慮也

光宅天下

聖人之德如日月之光貞一而無所不及也

將遜于位

遜遁也

譏于虞舜作堯典

言常道也

曰若稽古帝堯曰放勳欽明文思安安

若順也稽考也放法也有功而可法曰放勳猶孔子

曰巍巍乎其有成功此論其德之辭也自孟子太史

公成以放勳重華文命爲堯舜禹之名然有不可者

以類求之則皋陶爲名允迪乎欽敬也或言其聰政

言其敬初無異義而學者因是以爲說則不勝異說矣凡若此者皆不取欽明文思才之絕人者也以絕人之才而安於無事此德之盛也夫惟天下之至仁爲能安其安

允恭克讓光被四表格于上下

允信也克能也表外也格至也上下天地也恭有僞讓有不克故以允克爲賢

克明俊德以親九族

明揚也俊傑也堯之政以舉賢爲首親親爲次九族

高祖元孫之族也

九族既睦平章百姓

平和也章顯用其賢者也百姓凡國之大族民之望也大族予之民莫不予也方是時上世帝皇之子孫其得姓者蓋百餘族而已故曰百姓

百姓昭明協和萬邦黎民於變時雍

協合也黎衆也變化也雍和也

乃命羲和欽若昊天歷象日月星辰敬授人時

昊廣大也厯者其書也象者其器也璿璣玉衡之類

是也星四方中星也辰日月所會也或曰星五星辰
三辰心伐北辰也重黎之後義氏和氏世掌天地四
時之官故堯以是命之

分命義仲宅嵎夷曰暘谷

禹貢嵎夷在青州又曰暘谷則其地近日而先明當
在東方海上以此推之則昧谷當在西極朔方幽都
當在幽州而南交爲交趾明矣春日宅嵎夷夏日宅
南交冬日宅朔方而秋獨曰宅西徐廣曰西今天水
之西縣也義和之任亦重矣堯都於冀州而其所重

任之臣乃在四極萬里之外理或不然當是致日景以定分至然後歷可起也故使往驗於四極非常宅也

寅賓出日平秩東作

寅敬也賓導也秩次序也東作春作也西成秋成也春夏欲民早起故先日出而作是謂寅賓出日秋冬寒不能早起故令民候日入而息是謂寅餞納日二叔不言餞者因仲之辭

日中星鳥以殷仲春

日中者晝夜平也二分皆晝夜平而春言日中秋言宵中者互相備也春分朱鳥七宿昏見於南方夏至則青龍秋分則元武冬至則白虎而夏秋冬獨舉一宿者舉其中也殷當也書曰九江孔殷

厥民析

冬寒無事民入室處春事既起丁壯就田其民老壯

分析

見漢志

鳥獸孳尾

乳化曰孳交接曰尾

申命義叔

申重也

宅南交平秩南訛敬致

訛化也敘南方化育之事以敬致其功

日永星火以正仲夏

永長也火心也

厥民因

老弱畢作因就在地之丁壯也

鳥獸希革

其羽毛希少而革易也

分命和仲宅西日昧谷寅餞納日

餞送也

平秩西成宵中星虛以殷仲秋厥民夷

夷平也農事至秋稍緩可以漸休故曰夷

鳥獸毛毳

毳理也毛更生整理

申命和叔宅朔方日幽都平在朔易

在察也朔易歲于此改易也禮十二月天子與公卿

大夫共飭國典論時令以待來歲之宜

日短星昴以正仲冬厥民暝

隩室也民老幼皆入室

鳥獸氄毛

氄軟厚也

帝曰咨汝義暨和椿三百有六旬有六日以閏月定四時成歲

暨與也周四時曰椿椿當三百六十五日四分日之一而云六日舉其全也歲止得三百五十四日故以